

DAVIES, DAVID CHARLES (1826 - 1891); gweinidog gyda'r Methodistiaid Calфинаidd, diwinydd, esboniwr, ac am gyfnod yn brifathro Coleg Trefeca (1888-91)

Enw: David Charles Davies

Dyddiad geni: 1826

Dyddiad marw: 1891

Priod: Jane Davies (née Cooper)

Rhiant: Robert Davies

Rhiant: Eliza Davies (née Charles)

Rhyw: Gwryw

Galwedigaeth: gweinidog gyda'r Methodistiaid Calфинаidd, diwinydd, esboniwr, ac am gyfnod yn brifathro Coleg Trefeca (1888-91)

Maes gweithgaredd: Crefydd; Addysg

Awdur: Gwilym Arthur Edwards

Ganwyd yn Aberystwyth, 11 Mai 1826, mab **Robert Davies** ac Eliza Davies (merch y **Parch. David Charles**, Caerfyrddin). Addysgwyd ef yn ysgol **John Evans**, Aberystwyth, wedyn yng Ngholeg y Bala (yr oedd yn un o ddisgyblion cyntaf **Dr. Lewis Edwards** yn 1837), yna yn breifat yn Hanley gan y Parch. William Fletcher. Yn 1844 aeth i Goleg y Brifysgol, Llundain - B.A. 1847 (medalydd mewn mathemateg), M.A. 1849 : am gyfnod byr iawn bu yn New College, Edinburgh.

Dechreuodd bregethu yn 1848 (yn y Tabernacl, Aberystwyth); ordeiniwyd yn Llanelli yn 1852; bu'n gweinidogaethu yn y Drefnewydd (1850), Llanfairmuallt (1851-3 ac wedyn 1856-8), Windsor Street, Lerpwl (1853-6), y Drefnewydd (1858-9), Jewin, Llundain (1859-76). Priododd Jane Cooper, Llangollen, 1857. Gwrthododd fod yn brifathro Trefeca yn 1864 a hefyd ddilyn y **Dr. John Parry** yn y Bala, ond yn 1888 derbyniodd y swydd yn Nhrefeca yn olonydd i'r **prifathro William Howells**. Bu fyw ym Mangor am rai blynnydoedd ac yno y bu farw 26 Medi 1891.

Er mai gwannaidd fu ei iechyd am flynyddoedd, gweithiodd yn ddygn fel darlithydd, esboniwr, athro, a phregethwr. Cyhoeddodd esboniadau ar yr Effesiaid (dwy gyfrol), y Rhufeiniaid, ac Epistol Cyntaf Ioan, darlithiau athrofaol ar ysbrydoliaeth y *Beibl*, darlithiau ar Gristnogaeth, a atgynhyrchwyd yn *Y Traethodydd* (1881-4) gan **E. Vincent Evans**. Efrdydd a meddyliwr, athro llwyddiannus a phregethwr sylweddol a apeliai yn neilltuol at y gwrandawyr mwyaf meddylgar, ydoedd, ac am 40 mlynedd bu ei bregethu yn hynod o dderbyniol yng nghymanfaoedd ei enwad.

Awdur

Y Parchedig Gwilym Arthur Edwards , (1881 - 1963)

Ffynonellau

E. Wynne Parry, *Cofiant a Phregethau y Diweddar Barch. David Charles Davies* (Wrecsam 1896)

John Puleston Jones, 'Y Prifathraw David Charles Davies, M.A.', *Y Drysorfa*, Rhagfyr 1891, tt.441-447

ysgrifau coffa yn *Y Goleuad*, 1 a 15 Hydref 1891

Darllen Pellach

Rev. D. Charles Davies, M.A., Principal of Trevecca Presbyterian College *The Christian standard: the monthly magazine of the Cardiff Evangelistic movement*, Vol. I, no.4, October 1891

Delweddau

Sawyer & Bird, D. Charles Davies

Gweithiau

Dolenni Ychwanegol

VIAF: 56559213

Wikidata: Q5232316

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Edwards, G. A., (1953). DAVIES, DAVID CHARLES (1826 - 1891); gweinidog gyda'r Methodistiaid Calфинаidd, diwinydd, esboniwr, ac am gyfnod yn brifathro Coleg Trefeca (1888-91). *Y Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c-DAVI-CHA-1826>

Copïo'r

Preifatrwydd a Chwcis
Hawlfraint
Y Prosiect
Cymorth
Cysylltu

LGC
NLW

LLYFRGELL
THE NATION



Yn ddiwydian
Llywodraeth Cymru
Sponsored by
Welsh Government